

SOALAN NO. 455**PEMBERITAHUAN PERTANYAAN BAGI JAWAPAN BUKAN LISAN****MESYUARAT KEDUA, DEWAN RAKYAT****PENGGAL KELIMA, PARLIMEN KETIGA BELAS****MAJLIS MESYUARAT DEWAN RAKYAT****PERTANYAAN : JAWAB BUKAN LISAN****DARIPADA : TUAN NIK MOHAMAD ABDUH BIN ABDUL
AZIZ
[PASIR MAS]****TARIKH : 24 JULAI 2017 (ISNIN)****SOALAN :**

Tuan Nik Mohamad Abduh Bin Nik Abdul Aziz [Pasir Mas] minta
MENTERI PEMBANGUNAN WANITA, KELUARGA DAN MASYARAKAT
menyatakan kejadian jenayah seperti penderaan kanak-kanak yang
berlaku di TASKA dan pusat jagaan kanak-kanak di negara ini dan
menyatakan tindakan-tindakan yang dibuat dalam menanganinya.

JAWAPAN: YB DATO' SRI ROHANI ABDUL KARIM, MENTERI
PEMBANGUNAN WANITA, KELUARGA DAN
MASYARAKAT

Tuan Yang Dipertua,

Kejadian jenayah ke atas kanak-kanak di TASKA dan pusat jagaan seperti penderaan diberikan perhatian utama oleh Kementerian Pembangunan Wanita, Keluarga dan Masyarakat (KPWKM) bagi memastikan kanak-kanak mendapat perlindungan yang sewajarnya. Oleh kerana tugas dan tanggungjawab mengawal selia TASKA dan pusat jagaan terletak di bawah bidang tugas agensi di bawah kementerian iaitu Jabatan Kebajikan Masyarakat (JKM), maka langkah dan tindakan berbentuk advokasi, pemantauan, kawalan dan punitif sememangnya menjadi keutamaan bagi menangani isu-isu keselamatan dan perlindungan ke atas kanak-kanak.

Antara tindakan yang diambil oleh pihak kementerian dalam usaha menangani kes jenayah di TASKA dan pusat jagaan adalah seperti berikut:

- 1) Menjalankan pemeriksaan berkala dan mengejut ke atas TASKA dan pusat jagaan oleh Pegawai DiBeri Kuasa (PDBK) bagi memastikan

- kualiti perkhidmatan asuhan serta jagaan memenuhi standard minimum yang ditetapkan oleh JKM;
- 2) Mengenakan tindakan penguatkuasaan ke atas pengusaha TASKA dan pengendali pusat jagaan yang melanggar Akta TASKA 1984 [Akta 308] dan Akta Pusat Jagaan 1993 [Akta 506] serta peraturan-peraturan yang berkaitan;
- 3) Membuat pindaan Akta Kanak-Kanak 2001 dengan mengenakan hukuman yang lebih tinggi kepada pesalah;
- 4) Mewujudkan *Task Force Ramping Up The ECCE Industry (Task Force ECCE)* yang berperanan untuk menangani isu-isu di TASKA termasuk isu keselamatan dan penderaan kanak-kanak;
- 5) Menjalankan Audit Pematuhan dari semasa ke semasa terhadap TASKA berdaftar di seluruh Malaysia bagi memastikan perkhidmatan pengasuhan dan pendidikan yang berkualiti diberikan sebagaimana peruntukan Akta dan peraturan-peraturan yang berkuatkuasa;

- 6) Mengadakan program advokasi seperti Program Jom Daftar untuk menggalakkan pengusaha TASKA dan pengendali pusat jagaan mendaftarkan operasi mereka dengan JKM; dan
- 7) Bekerjasama dengan pihak media dan Pertubuhan Bukan Kerajaan (NGO) dalam membantu meningkatkan kesedaran awam tentang isu-isu keselamatan dan perlindungan kanak-kanak.

Menerusi tindakan-tindakan yang dilakukan oleh pihak kementerian diharap dapat mengatasi kejadian jenayah yang melibatkan kanak-kanak di TASKA dan pusat jagaan. Namun begitu, tindakan-tindakan yang telah diambil ini tidak akan berjaya sepenuhnya tanpa sokongan dan kerjasama semua pihak terutamanya daripada masyarakat umum.

RT31/456

JAWAPAN SOALAN PERSIDANGAN DEWAN RAKYAT

**PERTANYAAN BERTULIS : TUAN HAJI AHMAD LAI BIN
DARIPADA BUJANG [SIBUTI]**

JAWAPAN OLEH Y.B. MENTERI PENDIDIKAN MALAYSIA

PERTANYAAN BERTULIS

Tuan Haji Ahmad Lai Bin Bujang [Sibuti] minta **MENTERI PENDIDIKAN** menyatakan apakah perkembangan status pembinaan semula Sekolah Skim Sepupok- Niah dan SK Kita Niah di kawasan Parlimen Sibuti dan adakah terdapat perancangan bagi memperuntukan projek pembinaan sekolah melalui kaedah IBS di kawasan Parlimen Sibuti .

JAWAPAN

Untuk makluman Ahli Yang Berhormat,

Pembinaan semula SK Rancangan Sepupok-Niah telah diluluskan di bawah *Rolling Plan (RP) Kedua, Rancangan Malaysia Kesebelas (RMKe-11)*. Skop kerja bagi projek tersebut adalah pembinaan gantian penuh enam bilik darjah, sembilan unit rumah guru, asrama murid dan lain-lain kemudahan. Manakala pembinaan semula SK Kita Niah juga telah diluluskan dalam RP Kedua RMKe-11 dengan skop projek pembinaan gantian penuh 12 bilik darjah, asrama pelajar, 10 unit rumah guru dan lain-lain kemudahan.

Untuk makluman, agensi pelaksana bagi projek sekolah daif di negeri Sarawak di bawah *Rolling Plan* RMKe-11 adalah pihak Jabatan Kerja Raya (JKR) Sarawak. Pihak Kementerian Pendidikan Malaysia telah pun mengemukakan Surat Kuasa Pelaksanaan Projek (SKPP) kepada JKR Sarawak pada 2 Jun 2017 bagi pelaksanaan projek-projek tersebut.

RT31/456